

# Haya sa mas di bida di Don Milo Croes

ORANJESTAD (AAN): Milio Jesus Croes tambe conoci pa hopi persona den comunidad como papa Milo a nace na Aruba dia 19 april 1922. Su mayornan yama Izaak Croes y Luiza Kock-Croes. Milo ta e mayor di e 6 rumannan. Su otro rumannan yama Edwin Miguel Croes d.f.m., Petra Edwina Croes, Milda Mariela Croes, Aura Catharina Croes y Selsa Lucia Croes.

Milo a casa dia 12 di april 1945 cu Lucia Guadalupe Reyes y for di e matrimonio aki a nace 7 yiu: Jennely Guadalupe Croes, Glenda Guadalupe Croes, Milo Jesus Jr Croes, Maria Luisa Croes, Julio Izaak Croes, Ruben Jose Croes y Lourdes Marieta Croes.

ESTUDIO Y EXPERENCIA DI TRABAO: Milo a sigui su estudio na St. Dominicusschool M.L.O., 10 klas y tambe e tin Handelscorrespondentie Hulandes, Ingles y Spaño.

Cursonan gubernamental cu Milo a sigui tabata di Klerk y Adjunct-commies. Cu 15 aña el a cuminsa traha na Postkantoor dia 5 di februari 1938 como schrijver y a recore tur e rangnan te cu el a sali cu pensioen como Postdirecteur di Aruba den schaal di referendaris. El a traha na varios departamento di Gobierno tanto na Aruba como na Curacao y Bonaire, entre otro e tabata Administrateur di D.O.W. na Aruba, chef afdeling Invordering na Landsontvanger na Aruba, Ambtenaar belast cu controle di e postkantoor na Aruba Bonaire, Curacao y St. Maarten, staciona na Directie Posterijen na Curacao. Tambe e tabata Lands y Eilandsontvanger di Bonaire, Notaris y

Hypotheekbewaarder di Bonaire; tambe e tabata politico activo, miembro di e prome Eilandsraad, un di e prome diputadonan di Teritorio Insular di Aruba y miembro di e comision pa organiza e inauguracion di nos Himno y Bandera den Wilhelmina Stadion na 1976.

DEPORTIVO, SOCIAL Y CULTURAL: Riba tereno deportivo, social y cultural por menciona cu e tabata hunga futbol y a forma parti di e seleccion cu a bay na ocasion di inauguracion di Katholieke Sport Centrale na Curacao y tambe e tabata hunga basketball den e equipo Boy Scouts Aruba cu despues a bira e team di R.C.A. Ademá e tabata President di Aruba Little League Baseball, Aruba Softball Bond, Nederlands Antilliaanse Softball Bond, directiva di Amateur Baseball Bond Aruba, Nederlands-Antilliaanse Baseball Federatie, District-Administrator di Litte League Baseball pa Antiya y Aruba durante hopi aña, miembro di directiva di R.C.A., miembro di directiva di ASU encarga cu organizacion di e watersportnan, groepsleider, Hopmans, Akela y Oudbaas di Padvinderij St. Franciscusgroep, fundador di V.A.P. (Vereniging Arubaanse Posterijen), fundador di Bucuti Jacht Club, fundador di Sociedad Bolivariana di Bonaire, Secretario di Sociedad Bolivariana di Aruba.

E ta tambe co-fundador di e Central Carnival Comite Aruba (C.C.C.A.) y S.A.C. (Stichting Arubaanse Carnival) y a dirigi Carnival di Aruba como Presidente 38 biaha. El a worde nombra door di S.A.C. como President-Honorario y tata di Carnival di Aruba.

Internacionalmente Milo ta miembro di F.E.C.C. (Fundacion di Ciudadnan di Carnival Europeo). Tambe e ta miembro Honorario di Sociedad Bolivariana di Aruba y Venezuela. Y a worde condecora dia 15 di april 1971 door di S.M. La Reina como Ridder in de Orde van Oranje Nassau.

